

花 爨 懣

餘

影 餘

綺

詞 詞 語



懺

餘

綺

語

郭
麐
著

中
華
書
局

懺餘綺語

此據榆園叢刻本
排印初編各叢書
僅有此本

序

余自存蘅夢浮眉二集。意不復更作。而數年以來。學道未深。幻情妄想。投閒紛然。加以友朋牽率。多體物補題之作。共得如千首。不忍棄去。過而存之。鐵秀之呵。固所不免。休文之懺。竊或庶幾。亦自恨結習之難除。悔過之不勇也。嘉慶丁卯長至日。鉛山舟中。頻伽居士自序。

懺餘綺語卷一

吳江郭慶祥伯箸

仁和許增邁孫刊

月華清

古銅一器如環。背隆然有夔文。雲臺中丞證以漢書外戚傳。班固何晏賦。定爲金釭。屬賦此詞。

根失倉琅。關飛牡鑰。漢宮遺事誰省。幸舍椒塗。猶賸辱金如餅。看團團。環轉無端。見涎涎。燕飛留影。試問。是落帶連錢。此焉二等。想得溫柔鄉近。映月滿方諸。日闌員蜃。流落千年。但有土花苔暈。笑從渠。禍水痕侵。應不比。銅山淚滲。此恨。只淒然通德。背鐙還認。

疎影

黃葉邨圖

已秋未老。正西風幾樹。畫出斜照。如此江南。著箇扁舟。看來煙水都好。漲痕初落。籬根露。添屋角。數峯清峭。想前邨。定有人尋。樹下小門開了。自笑吾家同在。半邨半郭裏。歸計難料。輪與谿翁。三脚鐺邊。滿地霜華新掃。馬塍西去。秋奩冷。只近日。竹林遊少。謂小松怕蕭蕭。撼撼淒淒。點點暮雅寒早。

柳梢青

惜花圖爲默齋作

斷送春光。花開花落。老卻潘郎。白白朱朱。紛紛點點。惜惜佺佺。青落生徧長廊。是埋玉。深深土香。燕子歸時。畫簾垂處。一段斜陽。

一枝花

默齋將有閩海之行。以丁巳歲方君蘭珉所作西湖錢別行

看屬題。歎逝傷離。輒成此解。

濕翠濃如許。過了朝來涼雨。野航三兩客。舊漚鷺。且緩驪歌。小著尊前句。圖畫憑留取。老去方干。經營慘澹心苦。往事休重訴。又早送君南浦。天涯端可惜。酒人去。天未闌。山如薺園榕樹。橫海樓船渡。問手掣長鯨。更憶釣魚師不。

柳色黃

六扇窗紗。斜掩微寒。梅雨初過。香篝潤逼。紅綃笑覆。畫衣文袴。良宵正永。那信一瓊春醪。遙山漸澹眉痕妥。若是不相憐。肯佯佯偷臥。真箇入裏明月。碧海青天。半霄輕墮。花影參差。可恨烏龍閒鎖。自來小膽。況經此度怔忡。勝常道罷回身可。道是不相憐。又遙遙同坐。

柳梢青

題斜倚熏籠坐到明仕女

被玉誰溫。熏籠倚徧。難熨曉痕。蠟鳳猶明。檐鴉未起。還算黃昏。有人曾隔中門。只許見。朝來面勻。簾押垂時。剪刀放了。各自銷魂。有

齊天樂

查梅史琴塋軒屬賦

吳蠶愛作同功繭。冰絲打來千縷。軫玉分田。徽金鑄礦。久矣心心許。三星在戶。伴謝女檀郎。最深深處。百福香簪。鱗鱗魚婢笑看汝。長卿可惜遊倦。鸛鵲裘典了。誰買詞賦。錦瑟人長。茂陵草綠。暗老舊時芳侶。何時酒取。怕鬢影春風。天寒日暮。一曲思歸。悵悵深夜語。

買陂塘

查丙塘補屋圖

笑年年。塗泥束版。寓公真似梁燕。尋常不待秋風破。已是三重茅卷。空谷晚。儘帶荔披蘿。楚客工幽怨。阿稽阿段。等刈稻歸來。水筒修了。

商略手初斷。書生志。廣廈胸中千萬。漂搖先自難免。妻孥不怪牀
牀漏。頗怪屋梁仰面。君不見。有碌碌場邊。苦草新如翦。紙糊窗暖。坐
曝背鄰翁。驅雞稚子。旭日照檐滿。

南鄉子

夜永細聞香。坐近金鑪鵲尾旁。好是問人眠得未。空牀。白月微微印
一方。端的沒商量。臨去殷勤一盼郎。聽得中門雙扇闔。倉琅。彼此
生生暗斷腸。

又

嬌極卻愁他。未綰頰雲兩髻鴉。便問昨宵應酒渴。薑芽。玉腕攜來雀
舌茶。何計報伊家。說著先教粉淚斜。只願年年相對坐。窗紗。君似
菱花妾似花。

點絳脣

詠小

叢桂山邊。那年早識愁滋味。羅衣心字。憐取橫陳未。一點脣朱。兩點顰眉翠。紅兒比。畫橋第四。添个人人你。

鵲橋仙

詠五

梅花春早。雪花春好。色色迷離都有。問年剛是月團圓。想初二、初三時候。丁丁漏急。簌簌鼓絕。教擘藏鉤纖手。移家船上肯同吾。算只少、箇儂一口。

南樓令

了鳥鎖黃金。交疏隱碧岑。一重樓、一段春心。欲寄閒愁無著處。人定後。月微陰。舊夢苦侵尋。花枝瘦不禁。傍闌干、驚起栖禽。燭影幢幢。鐙上了。想又是、疊重衾。

滿庭芳

題沈秋卿夢綠庵

過雨霑沙。流雲學水。庭院又是微寒。梧陰竹影。深處著蕉團。幾番去
息。忽花信。換淒迷。一曲闌干。無人到。香鑪茗盃。欹枕睡初安。前賢。
思北郭。羈臣老去。易雜悲歡。夢江南。萬綠見也都難。年少東陽何事。
卻尋常。腰帶圍寬。他時去。圓莎分我。吟就刻琅玕。

綠意

卿媛仙館蕉花畫卷

新涼雨足。正乍回曉夢。天影都綠。半拓吟窗。忽見低垂。重重芳意如
覺。煮茶煙澹。秋痕瘦。鞦韆牆角。一枝寒玉。笑美人。別逞妖妍。小露紅情
簾俗。想爲著書人倦。墨花斐几淨。相伴幽獨。史檠焚餘。點筆圖成。
仙掌露珠凝粟。詩人愛寫蕭寒景。恨未入。雪中橫幅。更待他。鳳實成。

時留配故園修竹。

采桑子

碧紗窗外風吹雨。密密疏疏。似有如無。薄醉消時燭暈初。醒來呼婦聞商略。載酒江湖。息影菰蘆。還作征夫作釣徒。

探春慢

陳子玉鄧尉尋春詩意

烏榜衝煙。魚鱗動鏡。俊遊肯待春晚。雨水才交。雪花初霽。人在虎山橋畔。吟到荒寒處。卻早有、翠禽啼徧。笑他歌舫匆匆。只向山塘塘半。記共阿連徐孺。載畫榼癭瓢。三宿猶戀。風帽欹擔。冰苔印屐。似爾少年清婉。回首昔年夢。已兩鬢、吳霜輕點。倘覓留題。石樓應有詩版。

醉太平

春花白紅。春山澹濃。春波才著春風。疊春羅幾重。春晴意慵。春陰

懊儂。待他春月溶溶。約春人載同。

賣花聲

飲泉自畫芳草。以寄望廬之思。爲賦此調。

一片好莓苔。綠了空階。葳蕤深鎖舊池臺。除卻斜陽和燕子。還有誰來。風約畫簾開。獨自徘徊。春痕如夢滿天涯。泥上羈羅泉下玉都被伊埋。

高陽臺

醉雲樓。爲康山主人江文叔賦。

十里珠簾。二分明月。仙人原好樓居。別起閒房。上頭青鳥飛初。多情合爲瓊漿醉。早氤氳。結就流蘇。掩銅鋪。萬綠陰中。好箇青廬。鴛鴦待闕先開社。問何時。西曲。駕六萌車。雜體江淹。要伊小字親書。外人那識高唐賦。見行雲。紅上交疏。笑狂奴。他日重來。平視容無。

菩薩蠻

紅橋宴集代錢錢作。

楊花薄處春雲厚。紅橋微雨愁時候。初試袂羅衣。問人宜不宜。坐
中皆俊侶。更喜能吳語。千二百輕鸞。何人沈下賢。

釵頭鳳

鳳兒詞爲文叔作

丹山麓。屏山曲。桐花倒挂珍禽綠。調琴等。吹簫引。初三下九。月明風
定。肯肯肯。香車促。明珠斛。何人墮此懷中玉。文窗冷。文園病。一簾
秋雨。滿階花影。認認認。

一枝花

嚴九能姬人張秋月。故外家青衣也。字以香修。爲繪秋江載
月圖。寄題其卷。

月色兼秋色。江上白蘋風急。張星剛一箇。月邊出。除是君平。還認支機石。應見天孫說。僥倖梁清。明河影裏迎接。相憶重相惜。崇讓宅中曾識。問卿緣底事。淚痕溼。從此雙修。儘安穩雙栖得。心香憑更爇。沈水博山鑪。看伊隨意綰結。

張愛語唐人但見淚痕溼不知心恨誰之句

鳳皇臺上憶吹簫

題九能畫扇齋秋思詞。用漱玉韻。原詞重一休字。今易之。

石闕碑銜。金缸淚滿。彈棋局在心頭。把一襟幽恨。寫上銀鉤。已是今生憐眷。便他生。未卜還休。如何更。星星記夢。瑟瑟驚秋。香修幾生到此。書縫列芳名。指印同留。屬春人秋土。好在紅樓。夜夜牀前明月。爲故鄉。溼了雙眸。君多事。人方欲愁。卻又言愁。

疏影

上元夜退庵招飲梅花下。越日壽生自分湖來。復會于此。用

白石韻記之

玲瓏碎玉。是舊時月色。招我同宿。隔歲相思。第一回員。休教便弄橫竹。微雲澹澹疎鐙小。只解照。枝南枝北。儘夜深。閒與徘徊。不管倚樓人獨。佳約逾期肯踐。夜潮放一舸。來趁酒淥。側帽吟寒。也勝豪家。爛醉雲屏金屋。江城試譜偷聲句。怕略犯。龜茲新曲。算不如。留影文窗。看取畫羅十幅。

探春慢

題汪芝亭桃花潭水圖

浪暖魚鱗。霞蒸鴨脚。川原遠近紅徧。白舫猶閒。青山如笑。已有酒旗風點。遙認前邨路。問潭水。近來深淺。尋芳想未歸來。文窗一半斜掩。難忘人生知己。聽岸上。踴歌。密意先感。采石磯頭。沈香亭畔。何似水邨山店。商略從君住。算我亦。官袍游倦。新釀成時。高歌爛醉誰管。

霓裳中序第一

陳秋堂蕉林學書卷題詞

閒來補爾雅。別院梧桐微雨灑。剛是園林首夏。正葦影天低。蠟痕風
地。香姜古瓦。又麥光。烏几鋪乍。憑吟賞。蛛絲拂徧。蝸迹篆文寫。窗
下水天閒話。賸修竹。數竿低亞。人閒噩夢可怕。看老去王維。前生曾
畫。鐵生作圖金壺隨意寫。定一百。碑礫比價。還應笑。冷抱殘編。甚日殺青
也。

雙雙燕

燕來筇 春晚客中。憶故園風物。得以下四闕。

幾番潑火。聽昨夜輕雷。隔籬先響。參差迸土。穿破碧苔如掌。那忍堆
檠獨享。正社蠶乍開鄰釀。少年最惜芳華。淺醉烏衣深巷。比似春
蔥纖樣。勝貓臥駢頭。兒綳脫襪。香泥愁洗。上有芹芽新長。苦憶園林